



陳伯王文集卷第五

新都楊春重編

射洪楊澄校正

碑文

昭夷子趙氏碑

昭夷子諱元亮字貞固汲人也本居河澗世為大儒至  
祖揆尤博雅純道隋徵八學士與同郡劉焯俱至京師  
補黎陽郡長始居汲焉有二子禮與禮輟輿官至臨頴  
縣丞輟為較書郎並著名當代昭夷禮輿季子也元精  
冲懿有英雄之姿學不常師志在遐遠年二十七褐衣  
游洛陽天下名流翕然宗仰郡蒙以初筮求我昭夷以



玄轂發機故蓬居窮巷軒冕結轍時世議迫阨不容其  
高乃屈身泥蟠求祿下位為幽州宜祿尉到賊逾歲默  
然無言唯採藥彈琴誅堯舜而已州將郡守穆然承風  
君之道標浩如也回巡田入隴山見烏支丹穴密有潛  
憤之意蒼龍甲申歲在大梁遭命不造發痼疾而卒時  
四十九為呼哀哉天下士人聞之知與不知莫不為之  
垂涕蓋傷其有濟世之量而無長世之年夫上德道全  
器無不順中庸以降才好則偏有張也之莊無展也之  
道好由也之勇緬回也之仁後宰予之言遺滙臺之行  
務端木之智忘甯武之忠或正而不奇或達而過雜君  
獨五味足六氣和通衆賢之不兼物群才之大遠雖不  
至於聖道其殆庶乎故人無間言物飽其義吾嘗論人  
事有十君得其九一不至者命也夫於戲名聞天下而  
不達於堂上智周萬物而不達乎一人也其時歟其事  
歟君故人雲居沙門釋法成嵩山道士司馬子微終南  
山范陽盧藏用御史中丞鉅鹿魏元忠監察御史吳郡  
陸餘慶秦州長史平昌孟詵雍州司功太原王遠洛州  
參軍西河宋之問安定主簿博陵崔瓊咸痛君中天鼎  
錐不實百代祀德故老或云以為名者德之表謚者行  
之跡君囊括世道屯位明艱困乎乾旄光景不耀乃共  
稽陟舊行考謚定名問於元著象曰明夷于昭夷昔歟  
才位不兼大連有數嘗哀時命而作頌云諸公以余從



君之遊寂以故秉翰參詳叙其頌曰人道寃運兮物各有時匪時不生兮匪運不成昔者元精回滂陽九滔災大之感生堯禹恢能陰陽既和玄帝傳家五百數終桀驚暴邪子乙提連水火草期匪賢不昌尹乃阿衡六百運徂受始滄狂西伯考元應在躬昌匪雄不決匪謀不藏姜牙浩首實逢其良後釣指塵登有八荒周有天下七百餘年太公之後不聞大賢豈無仲尼負道周旋無勢一契無土一塵然則六運之所未時哉時時隘業隘運巨功巨苟非其時草木為伍昭夷作頌尔又嘗著汲人默記言變化之事且曰清尔靈龜永晏息乎浩初臨邛縣令封君遺愛碑

叙曰蒼生蚩蚩其動也直蓋顛蒙乎聖人顯顯其汲也及地下無教務王皇中乎則時至其理衙之君公磁其機馭之師之非能駿尊上帝保又黎元誰則荷天之寵祈人之齋行其禮樂驟觀於中和格其廉平戴聞於謠訟我之遺愛者不從事於是邪嘗試論之公名某字某渤海蓆人也昔后稷有德於邵文王受圖於錫珍符冊命始自於西周珪社逮佚奄荒於東土裘鼎軒冕有家代焉曾祖子繡齊頴川渤海三郡太守霍州刺史隋通直郎通州刺史榮分麾蓋道邁循良時雨洽於齊陳惠風被於唐楚祖德於北齊著作郎隋扶風郡南陽縣令芸高觀與見天下之圖石柱聞琴知君子之化父安壽



皇朝尚衣直長懷州司馬豪州刺史湖州刺史良二千  
石聞乎共理之尊肇十二州策多刺舉之首公則使君  
第某子也冲和誕命光大含章實公侯之子孫有山河  
之氣象明不外飾默昭於玄機敏實內融養蒙於用晦  
故其廉不直物恕不由衷崇善足以利仁自彊足以從  
事有朋友之信焉有閨門之肅焉非夫恭人其孰能景  
行行之者也年始若干為國子生言從大學之遊以觀  
先生之道某年以明經擢第解褐守恒州叅軍秩滿補  
許州司法叅軍許惟舊國陳實多巫君子豐明利用乎  
獄載以課窮累加秩焉又轉汝州司兵叅軍叢臺松脈  
一旦成市非刮器者政以多荒公實佐之官無留事信

矣乎能其理者有其任濟其業者享其功我豈蒙求物  
思其理某年選補臨卅縣令夫蜀都天府之國金城鐵  
冶而俗以財雄戈鐵田池而士多豪侈此邦之政舊難  
其人公按轡清途下車而軍覽其語俗永歎於良圖想  
其風流慨然於惠化以為太上之理因人者也通變之  
機隨時者也必使無訟不亦由吾用乎利貞夫何在物  
於是謀其教令肅其儀刑敬其事以順其人正其間以  
利其義以為昔者聖人之務本也在于稼穡有稼穡然  
後可以養人故公之勸人也用天之道分地之利以為  
昔者聖人之利用也實在財貨有財貨然後可以聚人  
故公之化居也質遠有無和其衆寡以為昔者聖人之



事生也謹其制度然後可以富故公之節用飲食有節  
車服有教以為昔者聖人之事死也慎其喪祭有喪祭  
然後可以睦人故公之送死也葬之以禮祭之以禮以  
為昔者聖人之用獄也崇其法制有法制然後可以禁  
人故公之恤刑也惟齊非齊有倫有要夫如是者豈苟  
其利哉惟欲潔乎其源正乎其本慎之於謀始要之於  
用終將使效數矯虔而是以息孤寡不穀而是以寧者  
哉夫然後磨之以仁琢之以義使男女異路班白不提  
熙乎其若春肅乎其若神然後文以禮樂幾乎以淳朴  
道豈遠乎嗚呼昊天不悅降此荼毒某年以大夫入憂  
去職于時公之在始逾年矣然三載考績是用未成百

姓哀惶人更嗟咨怨咸云我父矣而人悴矣鄉望老人  
前某官等五百餘人或金陵之秀玉宇之英而服美於  
寬允嚴祇於教義遂走之州府訴之上官冀奪其哀摧  
禮終秩不謀而同者日有百數司馬元公帝王之胤也  
康歌協化盛德存人憫承庶之求思嘉我君之懿績以  
為古之借寇者何以踰是哉遂用疇咨舊章允懷吐誦  
奪之公禮上之于文昌臺非將協贊天工慰彼黎庶君  
子之教而日見之哉班白之老胥史之徒又以天子在  
宸勤恭孝理我君云邁誰其嗣之千餘人復連表詣闕  
投匭乞君以墨練從事違違焉若有望而未至也鬱陶  
增思寤寐永歎將欲思謨不朽想見懿德乃相與言曰



昔者君子思其人而愛其祠蒙其澤則歌其詩封君之  
仁我無金石乎又述其行狀訪余以銘勒之事縣丞等  
有弼諧之義力筆之能永思清風歎息仁化尉安定梁  
慎盈知名之士也墨妙幾於草聖文義摠於辭雄昔仕  
京畿左遷此職自以為贊封君之化有日矣承封君之  
德有年矣夫其忠信之教寬猛之機古之官人君其殆  
庶乎父老之請允矣余耄耋耄耋耄耋耄耋耄耋耄耋耄耋  
思而親觀其遺愛余所備者敢博斯文猶懼後生有言  
以為口實河東薛稷隋內使公之孫也文章之伯而時  
所宗故憑其實錄寄之為頌其詞曰  
天地之間有渤海焉伯宗伯谷神山在焉精氣飛騰生

良宰焉良宰寔生代祿代卿君達好遺風雲上征武興  
察孝州郡有聲陳其弓治戴其簪纓筮仕斯邑我龜觀  
貞深期高悟絕策遠明既至肅肅其來英英臨事若祭  
視人如嬰三農勉用不獄以情輕重共用穀貸以平我  
裳既饒我篋斯盈於惟我君張仲孝友家膺五福堂享  
三壽溫清不違喜懼無守枯魚御素疾風過牖匪降自  
天誰執其咎棘心幼勞匪莪伊蒿彼蒼不弔惟其永號  
惜寇為請惠此嗷嗷曾是奔告謂天蓋高昇仙橋下赤  
車使者客於臨邛文雅雍容觀風萬里謁帝九重嗟嗟  
其舊惟牛擊鐘門於君墨借翰雕龍守思君兮不返代  
石登山山高兮望遠懷車馬於言告欲絃歌於言偃人



寔去思我無愧詞

續唐故中岳體玄先生潘尊師碑頌并序

尊師業尚冲密勤密幽深理心事天所保惟畜絕聖  
智不耀其光故真盛冥期珍圖秘學性與天道不可得  
而聞也若乃崇標曠迹遐情遠意志摩青雲蓬視紫闥  
高宗每降鑿輦親詣精廬尊師身不下堂接手而已每  
歎曰大丈夫業於道不能投身霄嶺滅景雲林而疲病  
此山以煩世主吾之過也遂欲東求蓬萊孤舟入海屬  
天皇敦篤斯道祈歎逾深知嶺山隅絕策未往既而金  
華有命鑿巒遺區於戲昔孤射有神人克輕天下崆峒  
有至道軒后順風玄真高舉萬古同德何其盛哉尊師

有弟子十人並仙堦之秀然鑿鑿鳳骨眇爰雲松者惟  
隸川韓法昭河內司馬子微皆稟訓瑤庭密受瓊室專  
太清之業遺下仙之儔谷汲芝耕暇動於我蓋應歲紀  
也始尊師受籙於茅山昇玄玉君王君受道於華陽隱  
君陶公陶公至子微二百歲矣而玄標仙骨雅似華陽  
夫階真蹈冥練景遊化者其必有類乎法昭等永惟尊  
師靈跡洞業高深邁古而棄世往矣其若之何乃斷石  
幽山申頌玄德其頌曰

觀元化兮求古之列仙德瑤圖與金鼎信元符之自然  
仲與道而惟一天與人兮相連為精守以專密必駕景  
而凌烟丹丘不死兮羨門弟子黃宮度世兮吾體玄體



玄之至德兮洵淑美冲心養和寧元始初學茅山濟江  
水乃入華陽洞天裏道逢真人昇玄子授以寶書青台  
旨令守崧山玉女峯雲栖窟林今五紀聖人以萬機為  
貴而我以天下為累聖人以大尊為尊而我以天下為  
煩是以冥居於喂螺寄遺跡於軒轅有唐高宗天子  
之光好道樂仙思雲鄉千旌萬騎兮翠鳳凰邀我汝海  
兮箕山陽朝拜白茅夕紫房齋心潔意細相望祈問玉  
真及玉皇何以得之受天昌黃庭中人在子身宵宵冥  
冥精情甚真去汝驕氣與淫神動能思之道自親遂  
解形而遺世乘白雲以上賓蓋子不知其所如也乃刻  
石以思其人

漢州雒縣令張君吏人頌德碑并序

至哉天子在穆清之中端玄默之化萬國日見百姓以  
親誰其昭宣令長其任也然則國有大小政有污隆遭  
其和平則循理之功易值其凋瘵則革弊之業難况罹  
乎荐瘥救其塗炭力倍於中而功不半之則盡其仁而  
澤未全洽則我府君當欽明之世承苛慝之蓋緝頽靡  
之餘遂能撫寧矜殘溥耀敦懿改制立憲昭德顯仁寄  
跡光乎曩賢惠風穆於茲日我行千里而得一賢傳曰  
夫用我者而豈徒哉府君姓張氏名知古蓋漢少傅留  
侯之裔也昔留侯得滄海力士東執於秦遇黃石老人  
西歸於漢山河鍾鼎子孫保之世在關中今為宜州人



也高祖藝周恒州司馬曾祖歡隋許州司馬祖雄唐并  
州掾次令考琳原州平原令皆稟瑚璉之器著經濟之  
才大位不躋元德滋茂其昭祉復蔽於我府君府君體  
美竒之姿冲希默之量齊敏內肅端簡外融夫其孝友  
睦婣研幾成務深斷守節之固撥煩簡要之能在於家  
邦聞其政矣起家補同州朝邑尉歷太川鄭縣尉左金  
吾衛倉曹參軍洛州洛陽主簿黃圖左翊豪俠所湊赤  
墀佐理寔賴其能又遷雍州明堂縣丞時皇帝恭默明  
臺清問下吏西南矜寡有詞上官曰刺史督貪而苛縣  
令威施而忍奸宄曰豐群行效數哀哉此黎顛在荼毒  
朝廷憫之帝曰俞允哉乃用勅撫此荒邑意喜昔者苛  
政未作封境保安茲都衝要衿帶全蜀百濮兼錯萬裔  
之泉寶利珍貨盡四海矣殆殘猛肆至蠹賊力訐始於  
碩鼠之侵終屠餓狼之豕杼軸既盡郭邑殆空悲夫仲  
尼云苛政害於猛虎豈猛虎而已哉我府君殷然始宣  
皇明恭職事巡省黃髮周爰令圖所以綏亡固存蠲  
去暴與百姓更始者興人斐然乃作誦曰我有聖帝撫  
令君遭暴昏掾惇寡紛民戶流散日月曠君去來兮惠  
我仁百姓蘇矣見陽春然不躬不親庶民不信於是府  
君知人散久矣黷於詐罔已曰未遂躬六曹之務先五  
義之訓下官斂手年食革心人始翕如也初官戶在版  
圖者萬有五千餘家應政侵殘逃者過半歲月永久廬



井湮蕪蟪蝻在堂蟋蟀空歎先是有物天下逃人歸復  
舊業者免當年租庸公以柔遠能迓政之大端乃下令  
曰於戲天子誠憫斯人是用命我其訖有濟若通不及  
患幽不能明吾之罪人部內有逃越他境能相率歸者  
免一歲租及征徭若惇嫠貧窶不能自濟者當別議優  
之其長正耆老可明喻此誠使被幽谷令既下克已示  
信或有逃者引首而歸公親循寧尉贍理其業於是小  
大悅賚遠近承風四封諸通一朝景附夫負妻戴子荷  
箠提笠首尾郊郭者凡七千餘家熙乎若鴻鴈之得春  
也既至矣則勞來之既止矣則安緝之或三年或十年  
舊館已無喬木猶在公緝屋塗室籬陌開阡為其井疆  
人得其居矣田畷失業農野榛荒此邦膏腴利在江浸  
有金鴈白魚二水是其朝雲澤麓無虞溝畛填塞公濬  
其塗洫川澮始通人得就畊矣流亡初復賈物兼半食  
不糊口力未贍農公又假富資貧耦耕分種助其鉅刈  
歲以有年人得其食矣曩者征稅橫牧商旅不行貿遷  
有無塵肆半絕公阜其貨財交易復通日中噬嗑人得  
其利矣乃種樹畜牧蚕漁工賈什伯之器車服之庸婚  
姻之時喪祭之禮莫不盡為度數制其權衡征賦既均  
平室如一於是百姓允賴鼓舞而歌其歌詩凡六章題  
曰迺還樂其首章蓋言天子之德也其二章憫前政之  
害也其三章喜公惠之至也其四章言迺還之樂也其



五章美公化行而奸慝不興也其六章善政令平均賦  
歛不誑也時日月會于龍蛇歲功成平孟冬百嘉備烝  
品物咸乂府君乃稽版籍攷幽明親巡于邦廬存問于  
鰥老黃耆椎齒山原之民乃接手賡歌迎擁馬首累乎  
道路者以百千輩晝肆酒夜聯燭羣舞蹈詠迎途餞郊  
皆歌前六章慶公惠也是以封內歡康境外萌動企公  
德美有若神明府君嘗因公事至成都成都之民駕肩  
相攜蓋籍甚其異也封人有喪者廬于墓側鞠然在疚  
負土成墳公親從寮吏吊其苦席自是禮讓行焉學校  
興焉長史河南曹公旌別尚賢廉簡居政以公甄理類  
弊躋美中和應政適亡一朝狎至遂表其狀奏之于關

庭屬棟鬻孔亟戎車未暇郊壘既夷邦憲清穆刺史南  
陽張公瞻幃卧理寬猛以濟儒術兼優吏畏獨坐人歌  
來喜輒綜品鑒物無遺才又以公保邦乂民勝殘去狡  
重理前秩昇聞宸扆夫昇聞者豈循良而已哉蓋激清  
廟貪僭善懲惡祈元嘉命優公寵章於是鄉旌邦老華  
髮抒首或名淹玉壘家擅銅山如玉弘馬靖等若干人  
皆以政洽仁顯功著頌宣揚金帛嘉止不日而至至則  
國肥矣去則民瘠矣凡我邦族其將疇依兄弟睦親不  
可以從往也筐篚玉帛不足以永貺也隔千里而不昧  
與百姓而長存非刻金石列圖象揚弘懿崇耿光則顯  
然衆情孰克慰當於是乃從旅鑿峴巖自金水之山得



王政之石農夫田婦担扛力運皆懼公往遺像吳瞻共  
琢之磨之議之謀之子昂時因歸寧采藥岐嶺文老乃  
載酒邀諸途論府君之深仁訪生祠之故事永我以典  
禮博我以文章夫千里一賢義者所貴今百城一理公  
獨有之不熙其烈光以示當世則孱弱者請以激節貪  
垢者曷以浚心敢曰此義乃此謠而作頌曰

九隴縣獨孤丞遺愛碑

彭州九隴縣丞獨孤君有恭懿之行柔毅之才臨官以  
莊敬事而信清白苦節勤恪原躬廉而不矜利以不浼  
有特立之操焉在任四年無一日自憍精專力務澤潛  
氣通天彭之人陶然大化居秩歲滿單車告歸邦思登

仁國詠遺愛乃樹碑刻石追崇庶庸既頌歎之又思福  
之以金仙世尊慈善萬物遂貢金鑄像祈祉冥休悠悠  
之人至今稱賴夫官不必貴政惟其才獨孤丞上追稟  
君下雜群尉文墨教令不專在躬然力行務仁推誠愛  
物謳吟者不歌其辜頌議者必歸於丞豈欺也哉吾每  
聞一言可以永寧天下者在能官人而已苟謬其任綱  
維以頽感獨孤丞智效一鄉惠孚百里况其大者乎於  
戲官人我乃作頌曰

於維國家建官以理得人則威匪人則圯英英我君清  
節素履恭寬敏惠將順其美禮實在躬人以知耻歲秩  
其暮薄言歸止祁祁吏人何嗟及矣滄海應沱若遺愛固



已瞻德樹碑造真祈祉不有其惠孰能享此悠悠彭門  
千載有紀

唐故朝議大夫梓州長史楊府君碑

君諱越字復珪弘農仙掌人也其先帝高辛氏之裔周  
有天下晉受其封至宣公伯喬草基楊若乃彤弓旅矢  
巨壺赤帑則禮命之樂歌之宗天王之寵光保元侯之  
休祉其後十六代有揚賈者天錫黃鳥授以白環若曰  
命君子孫世登三事迨震康彪賜四代五公烈光昭于  
漢室盛德克於海內金圭銘鼎至今為弘農世家也高  
祖椿魏尚書右僕射開府儀同三司司徒公進位太保  
加侍中給後部鼓吹鼓吹仕歸邑賜安車駟馬傳制二人

可謂國之元老帝之師臣功成名遂社稷之寶曾祖思  
善齊通直散騎常侍祖敬通鎮遠將軍鄭州治中烈士  
名節公即為城府君之第二子也少而冲嶷苦節貞素  
禮非玉帛室有琴書聞少連之風而悅之庶乎身有權  
行中清上以察乎道下以敷乎物不應州郡之命而有  
金玉之心嘗歎曰以明月珠彈千仞雀吾不能也於是  
觀寶龜之象心滅朶頤探金虎之爻志存幽履遂去家  
遁于嵩山紆十餘年丹山白雲之志眇然笑屬太宗文  
武聖皇帝初臨天下物色幽人焚山榜道網羅遺逸君  
子若曰天下有道可以見矣於是始以角巾應命褐衣  
詣闕陳大道之宏譽論至公於天下帝曰俞爾言乃可



底行若歲大旱用汝作霖雨今南山近塞北漢連胡石  
州邊烽皇化未謐汝往欽哉輯乃人禦乃敵以息匈奴  
之患始解褐授五州方山令擢組在堂干旄在階布大  
信於獯戎示折衝於衽席威名震曜乃昇聞也有勅授  
憲臺監察御史繡衣始拜珥筆昇朝臺閣以之生風豪  
貴由其斂手又勅直中書待制未幾又遷秘書郎直中  
書省如故遊鳳凰之池觀蓬萊之府是天下之榮踐也  
又轉宗正寺丞歲餘帝思南史之才將崇東觀之美又  
遷起居郎加騎都尉龍朔中天子將觀兵於東夷以復  
先帝之業凡居中者多出守旁郡是歲授公朝散大夫  
除冀州司馬又轉魏州司馬皆知州事于時天下唯韓  
而雄魏壯武而柔文公始厥承明初臨外郡探究堊面  
犯禁崇姦欲嘗味博之能以觀冀遠之政公深鈎潛往  
英機立斷短胙赭裾於是乎理麟德初兼梓州長史蓋  
在華之南區彭之北鄙入豪俗侈政削公賤攢六國之  
遺昵離三巴之奧壤公下車問俗觀風立政先之禮讓  
教以詩書抑浮窳禁蟲食至於堂叩鐘磬家擅山川莫  
不為之節制行其典禮會來之頌復起於斯時高宗大  
帝方接千載之統昇中太山玉帛雲霧朝者萬國公預  
陪金蹕侍拜瑤壇白雲既封皇慶斯洽加朝散大夫餘  
官如故東山拜命西駕未歸逢太歲之臨辰感殷楹之  
夢奠遇疾薨於官舍時年六十四嗚呼哀哉遺令薄葬



不藏珠玉唯孝經一卷先典一篇昭後嗣不忘聖道即以某年月日葬於西嶽習仙鄉登仙里之西麓遵遺命也嗣子嘉賓等哀號泣血榮骨藥心緬惟罔極之恩思崇永錫之道以為吾丘子沒無助冥因事由也歎空勤負米於是攷羣聖之典探衆妙之門求所以昭報幽扃替社冥籍則云金位慈救實手來迎若德崇於此則功濟於彼是用歸誠真諦祈祐能仁籍鐵圍而寫容現金蓮而得像遂於登仙麓瑩之側造阿彌陀像一軀坐高三丈并象愛菩薩天人畢備全金湧出衆寶裝嚴雲仙鬼神周羅上界珠幡羽蓋圍所以不顯尊靈光昭惠業達人之能事畢矣孝子之事親終矣銘曰

巖巖大岳浼浼長河鼓雲滄霧含靈佇和揚侯之國宛其中阿子孫瓜瓞軒蓋駢羅○西代五公自于伯起蟬聯彪懿令聞不已二千戶侯三十刺史世濟其榮至我君子○我我君子皎有令光不寵我組而括我囊洗心巖道抗跡雲翔冥鴻不遠白駒在場○解其蘿袂縮我墨職邊翔多雲檢狝孔棘之子之往允威允德干旄在階烽火罷色○行行駿馬繡衣之光烈烈董狐司史之良而我君子搃其徽章出同巖助政穆王祥○雄魏既康鄴蜀猶侈攬轡言邁題輿載理尺兵允戢亂繩攸靡天子登封拜服玉趾○大禮既畢歸路遲遲歲亦秋止天不憖遺嗚乎叱吏號泣漣泗曷其往矣東暮歌思○



覺覺孤子棘心哀疾永號昊天眇泣冥祐蓮花之國金  
池玉露崇此香縷生彼穠秀○全金既湧衆寶斯莊攷  
墳其左叔塋其旁香花園繞松栢成行千秋萬歲祚祉  
無疆○

梓州射洪縣武東山故居士陳君碑

君諱嗣字弘嗣其先陳國人也漢末淪喪八代祖祗自  
汝南仕蜀為尚書令其後蜀為晉所滅子孫避晉不仕  
居涪南武東山與唐胡白趙五姓置立新城郡部制二  
縣而四姓宗之世為郡長蕭齊之末有太平者兄弟三  
人為郡豪傑梁武帝受禪網羅英豪拜太平為新城郡  
守尋加本州別駕弟太樂太蒙蒙為黎州長史都督護

山梁一郡太守樂為下郡司馬即君之高祖父也生曾  
相方慶好道不樂為仕得墨子五行秘書而隱於武東  
山生烈祖湯仕郡為主簿遇梁季喪亂避世不仕生皇  
考廣迥迥早卒君即迥之第二子也少孤而有純德恭  
已飾行一日三省家世本以清白崇德迨君之孤素業  
空矣君有仁兄養母以孝君順至行同勤苦節夏不避  
暑冬不避寒蒸蒸肸事行年四十有五入則孝出則弟  
謹而信汎愛衆而親仁無餘力也以是不憂於道逮親  
終發春秋已高後事不可以養矣乃輟干祿之學修養  
生之道山壑高居農野永歲雅聞漢有王丹者隱居不  
仕家累千金以自奉田稼勤者載酒肴從鄉里承化以



相懲沮乃歎曰彼王丹者是為政矣矣其為政也由是始攷林澤闢良田習山書務農政天道時變地道化成丘陵泉竅星歲雲物靡不用心也原田每每稂耒穰穰汶陽之稼如雲矣春日載華歲聿其秋白露時降百穀收熟君常乘平肩輿者農夫饋田峻刑以肅情悅以勞勤若孫吳之用兵誓焉之搏擊也卓彼碩田歲取十千倉庫寔崇禮節恤憚寡賑窮乏九族以親之鄉黨以歡之居十餘年家累土金矣其鄰國有媮衣食帶刀歛推埋胠篋之類鬪鷄走狗之豪莫不靡下風馴雅素曰里有仁焉吾何從也遂頓浮寐之節蕭恭儉之行修孝悌飾廉耻將欲效君之素業也時年已耳順素無經世之

情林園遺老玄默忘歲遂依先君武東山之故居行不由徑非公事未嘗至於州縣也昔襄陽有龐德公谷口有鄭子真東海王霸西山石才皆避世之人養德退耕以求志軒冕不可得而爵憂患不可得而累逮于我君作者五人矣於戲古者至人不利為得而不務近貴量腹而食度身而衣非其道萬鍾不足豐也非其榮五鼎不足餽也躬勤耕植其杖而耘不答子路之問者豈我君之徒與綿綿羅網冥冥高鴻趙趙竹竿穆穆幽龍其與禍敗之遼絕胡越哉然則兩龔不免於蘭焚二老不免於薇歎其近貴利耶夫上無憂悔下無飢寒含道以制嗜慾達命以順生死仁以愛身智以養德俾尔耆而



艾俾尔昌而熾君子保之以永壽攷非我君者乎享年  
八十有五太歲壬辰五月十三考終厥命臨終戒曰啓  
予足啓予手我聞古人有言珠玉而瘞之是暴骸於中  
原也古者不封不樹後世聖人易之以棺槨吾不敢違  
聖人可具棺槨而已歛以常服墳無丘壠吾將庶幾以  
奉先人之情也有子某等皆能祗奉遺訓率從先志長  
壽二年龍集癸巳月日歲月載踰卜兆時吉始啓殯昭  
告奉遷於舊塋武東山之陽禮也鄉里會哭者千餘人  
皆涕泣號慕悲純德之不見咸曰君子沒矣仁何以名  
陵谷不朽匪唯頌聲小子不敏謹述鄉人之教詞曰  
肅肅我祖國始於陳中裔淪喪洎北江濱山川隆鬱旂

氣氤生我君子於鏗元性孝肅悌惟仁善鄰樂我  
耕稼忘我縉紳茫茫田藝成也其春農人肅事君子犒  
勤孰為夫子植杖而耘弋以何慕鴻飛高雲楚狂懼世  
夷叔求仁良獨終矣不攷身我異於是非隱非淪撫  
化隨運安排屈伸天年既終長夜何辰聖達不免宇宙  
同塵桐棺三寸豈我窆貧古古有禮吾從聖人嗟爾百  
代子子孫孫驕奢自咎天道無親思我松柏恭儉是遵

陳伯玉文集卷第五終



陳伯玉文集卷第六

新都揚春重編

射洪楊澄校正

誌銘

府君有周文林郎陳公墓誌文

公諱元敬字其其先陳國人也五世祖太樂染大同中  
為新城郡司馬生高祖方慶方慶好道德墨子五行秘  
書白虎七變法隱於郡武東山生曾祖湯湯為郡主簿  
湯生祖通通早卒生皇考辨為郡豪傑公河目海口鷲  
額虎頭性英雄而志尚玄默羣書秘學無所不覽年弱  
冠早為州閭所服耆老童幼見之若大賓二十二鄉貢



明經擢第拜文林郎屬憂艱不仕潛道育德穆其清風  
邦人馴致如衆鳥之從鳳也時有決訟不取州郡之命  
而信公之言四方豪傑望風景附朝庭聞名或以君為  
西南大豪不知深慈恭懿敦讓以德也州將縣長時惑  
陳議青龍祭未唐曆云微公乃田棲絕穀放息人事餌  
雲母以怡其神居十八年玄圖天象無所不達嘗宴然  
坐謂其嗣子子昂曰吾幽觀大運賢聖生有萌芽時發  
乃茂不可智力圖也氣同萬里而遇合不同造膝而悖  
古之合者百無一焉嗚呼昔堯與舜合舜與禹合天下  
得之四百餘年湯與伊尹合天下歸之五百年文王與  
太公合天下順之四百年幽厲版蕩天紀亂也賢聖不

相逢老聃仲尼淪溺濁世不能自昌故有國者享年不  
永彌四百年餘戰國如麋至於赤龍之興四百年天紀  
復亂夷胡奔突賢聖淪亡至於今四百年矣天意其將  
周復乎於戲老矣汝其志之太歲己亥年七十有四七  
月七日己未隱化於私館孤子子昂愚昧鞠然在疚不  
知所從乃祇馴聖人卜宅之義是歲十月己酉遂開拭  
舊塋奉寧神於此山石佛谷之中壘也銘曰

賢者避地遊其往兮鳳兮鳳兮誰能象兮嗚呼我君懷  
寶不試孰知其深廣兮悠悠白雲自怡養兮大運不齊  
賢聖固象兮南山四君不遭漢天子固亦高丘之遺壤  
兮



中州司馬王府君墓誌

君諱某字某先太原人也昔周文王有聖人之德甲子受圖至我靈王誕膺丕顯太子晉得鳳凰之瑞恭揖羣后上為帝賓綿綿生人作我王氏迨秦有貴剪并吞諸侯晉有渾祥功格帝室魏至慧龍為貴種矣十二代祖卓晉常山公主子也始公主湯沐邑在汾陰永嘉淪夷不及南度回樹枌檟而結廬焉卒葬于長壽原至今鄉有太原之號也會祖亮周開府儀同上大將軍隋信州刺史罇俎之師也祖儉隋離石郡守唐石州刺史贈岳州總管廣武烈侯社稷之器也父謀唐雲部郎中荊州大督府司馬商驥廊許冀五州刺史加銀青光祿大夫瀘州都督金水敏侯上柱國廊廟之才也敏侯有功於國始賜土田白茅苴之在鄠之曲曰食菜今為雍州人君即敏侯之元子炳靈珍粹輝來函黃愿而以恭寬而以栗青矜間道已克大矣天子立大學所以養賢公子齒上庠所以觀國君休烈淵塞志業雲翔年若干為國子生其中射策甲科解褐補吳府參軍事昔吳王帝之愛子國選英寮君三德允章六行既穆與其郡劉孝孫首先此舉誦詩三百和淑其仁而醴酒不恭楚選亦廢坐除滑州錄事參軍又轉隴州錄事參軍時樂城公劉仁軌以宰相之貴持節此州暖然推中主諾責下君提綱未幾羣轄載字公坐嘯以為能也舉遷汾州平遙縣



令其地有臺台之恠蟋蟀之人君黃鼎分中鳴琴不下  
鐘鼓既考風俗允和帝白良哉而格我政加朝散大夫  
遷岐州扶風縣令昔尹翁歸以文武之幹緝熙此邦黃  
圖雖寧亦凡未元君以庚斷甲距設醜投鈎諸裾始繩  
垂面咸草丁我斃俟報遂茹哀苦廬街恤終紀是歲申  
國不理元察佇才制加朝請大夫授申州司馬屬大夫  
人有羸老之疾去官不之白華增勤練衣是慕至於朝  
盟夕膳候色承歡夔夔齊栗蒸蒸不遺有若楚老萊子  
之為嬰兒也嗚呼昊天不弔降我鞠凶大夫以眉壽竟  
時君年已七十二矣禮以飲酒而君絕漿震以降哀而  
君泣血晄晄在疚齋棘其心新谷未升匪義以殞以其  
年青龍癸巳薨於其里第之正寢孝之終也嗚呼哀哉  
曾聖人五十而慕先子謂之正德今君七十二而盡其  
哀非敷篤允元深仁淑德者疇能離此哉夫人私農楊  
氏隋內史侍郎丹川公演之孫女也幼有淑德而義令  
儀採繁昭華穠荷比秀至於內嚴聞訓外匡君子麟趾  
以穆鷄鳴有章誠道暎公宮事宣彤管晚年以儒曰未  
究其業惟採遂揭無生之筮將遺有漏之屣穎潔道行  
受蓮花經理極翻三心滅不二形長緣盡歸真化冥歲  
在丁酉處順而往始我府君以懸車之歲從負耒之勤  
夫人亦能肅恭晨昏嚴祗左右夫至行莫大於孝崇義  
莫顯乎忠君克勤于家盡力於國刑于妻子至于朝廷



夫而與物或有違而無適義所以此君好謹遵禮研樂成務摹其法器無不副從其事政無不理夫用我者而豈徒執嗟乎矜而能廉利而不免百行允備三事不階臧文仲其竊位與柳下惠其直道與有子四人長曰某官至武連縣令先公而卒次子某等皆肅恭嚴訓景行高山達於家邦光于禮樂永號罔極泣血昊天始府君臨終遺令薄葬墨龜未食青鳥不封權殯于某所需吉地也龍集己亥律彊應鍾金鷄鳴玉狗吠黃腸密啓丹旒徐飛始遷神於某原之陽禮也青龍在左朱鳳居右雙衾共封二室同窆珠玉不瘞丘隴誰傳刻此金石以旌後賢

唐水衡監丞李府君墓誌銘

君諱某字某趙國人也乃昔嬴楚睽孤豪傑雲起廣武君負霸王之畧為成安之師實欲北興帝基南面稱創雄圖未展大運陵頽傳云有明德當代不顯其後必有為者自武至君二十四代矣公侯寶王刻鼎銘鍾紛綸歲難世濟不泯六代祖孝伯後魏部尚書秦州都督宣城公魏之名臣載在青史曾祖某後周陝州芮城縣令祖某屬隋運版蕩君子道消遜言適時不顯於仕拜儒林郎父某唐隆州蒼溪縣丞襄州荆山縣尉有奇才而無貴仕君鍾常山之氣炳障水之靈少尚名節躬行仁義始入太學以精理見知未幾進士高第拜白水縣尉



尋轉雲陽尉屈青雲之資後黃綬之任雖吏道迫肩而  
選情眇然秩滿調補洛陽尉監根利器尹守拭目還懷  
州司法祿不徇榮位以行道雅尚貞遜與衆趨少合洎  
上聞對策甲科授益州大都督府錄事參軍滿歲擢授  
水衡監丞君所居清澹仁惠為政識真之士以公輔許  
之而好學篤道介如石焉故位不充量縉紳高其才烈  
士伏其義竟不能驤首雲路長鳴天衢知與不知咸皆  
共歎有餘恨也而君浩然冥順獨與化遊方將幽採玄  
微精覈通變天命不泯春秋若千遺疾終于官其歲其  
月安厝于某所禮也嗚呼古所謂歿而不朽者有矣夫  
遺言餘旨粲然可觀有子曰某痛門風之將泯懼世業

之罔傳乃刊石紀德銘旌之曰

常山之靈和氏之英世有明德鍾此令名黃齋不貴洪  
璧為輕仕以弘道祿匪伯榮高志厲雲思機入冥嗚呼  
天乎殲我國禎

唐故循州司馬申國公高君墓誌并序

君諱某字某渤海蓊人也昔周天子命我太公受封東  
海鍾鼎寶玉七百餘年故其公侯世有國祀魯祖廟字  
敬德北齊朔州大行臺僕射饒爵清河王改封樂安王  
周授開府隋授揚楚洮三州刺史使我唐有命崇寵典章  
貞觀初贈恒定并趙四州刺史垂拱中又贈特進非明  
德上公孰享之哉



祖宗儉字士廉皇朝太子太傅上柱國申國公食邑三千戶贈司徒并州刺史永徽初贈太尉配享太宗文皇帝朝廷謚曰文獻昔帝光天下公實佐之至是元勳克配清廟父懿字履行秦府軍直千牛滑州刺史將作大匠金紫光祿大夫太常卿洪州都督上柱國申國公尚東陽長公主駙馬都尉衣冠禮樂盡在是矣故帝乙歸妹尚于中行公則駙馬之元子也含章丹穴籍寵黃扉承禮訓於公庭盡儀刑於士則年若干嗣封申國公十四解巾授千牛備身趨奉紫璋已有光矣秩滿補海監府左果毅都尉再遷游擊將軍右帥府即將遂昇榮禁衛承寵司階千廬之務式遵八舍之榮收襲又授朝

散大夫尚輦奉御再遷尚衣奉御屬宸宮攝難巫蠱禍興坐堂第歧左遷循州司馬蒼梧南極桂海東浮

是唯篁竹之區而有山夷之患永隆二年有盜攻南海

廣州邊鄙被其灾皇帝哀洛越之人罹其凶害以公名

家之子才足理戎地命專征且令招尉一作公奉天子

威令以喻越人越人來蘇日有干計公乃惟南蠻不討

之日久矣國有大命將布遠方欲巡禦象林觀兵海裔

彼蒼不弔天我良圖回追寇至廣州遇疾薨於南海之

旅次時年若干嗚呼哀哉珠鼎之秀邦國之光負才能

重書劍方將克崇舊業祗寵前人降年不長永隆厥緒

嗚呼哀哉夫人京兆韋氏銀青光祿大夫太子詹事武



陽侯琨之第某女也有淑慎之德窈窕之賢長于公宮  
少習婦道年十六歸于中國鳳臺尊閔鵲巢斯在雖珠  
玉翡翠職是其儀而澣濯蘋蘩不改其操故我君子琴  
瑟友之年三十儀鳳二年先公而歿其年權殯先塋嗚  
呼哀哉始公之適南裔也夫人逝矣死生言別永懷燕  
越之悲旌旒同歸終淪松柏之路先是公有命令葬弘  
道歲靈輿自南海還嗣子紹等追惟永終仰遵先志粵  
載初元年歲在攝提格始昭啓亡靈改卜遷柩某月日  
遂合葬於少陵原禮也嗚呼哀哉霸山南望秦川滿目  
紫臺鐘鼓方對於青春白楊丘陵獨悲於玄夜紹等以  
東西之人懼岡陵之變古不樹今則墳焉

率府錄事孫君墓誌銘并序

嗚呼君諱虔禮字過庭有唐之人也幼尚孝悌不  
及學文長而聞道不及從事祿值凶孽之灾四十見君  
遭說憲之議忠信實顯而代不能明仁義實勤而物莫  
之貴陞厄貧病契濶良時養心恬然不染物累獨攷性  
命之理庶幾天人之際將期老有述死且不朽寵榮之  
事於我何有哉志竟不遂遇暴疾卒於洛陽植業里之  
客舍時年若干嗚呼天道豈欺也哉而已知卒不與其  
遂能無慟乎銘曰  
嗟嗟孫生見爾迹不知爾靈天竟不遂子願分令用無  
成嗚呼蒼天吾欲訴夫幽明



故宣議郎騎都尉行曹州雜狐縣丞高府君墓誌銘

君諱某字某先渤海裔人也曰仕居洛今為陽翟人昔赭鞭乘運饗炎帝之宗蒼光應期承太公之胤崇勳霸業光烈猶存曾祖某北齊太子中舍人贈冀州刺史青宮近侍光寵朝班臬蓋追榮恩崇國禮祖欽仁隋左親衛大都督檢校秘書郎帶七尺劍始遊天子之階持三寸筆終入芸香之閣父柚唐江州潯陽縣令舒州懷寧縣令絃歌之化身不下堂神明之威虫蝗避境君即懷寧府君之長子黃河一直青松萬仞性惟仁孝行實溫恭文義必以潤身名節由其殉物唐龍朔元年有制舉

忠鯁君對策及第試守秦州涇源縣尉佐卑黃綾志在清規秩滿以常調補鳳州黃花縣丞梁竦長懷尚勞州縣桓譚不樂空負琴書又轉易州遂城縣丞以膏輅之材趙典之任古人斯在君子居之大周革命任曹州雜狐縣丞而已高日月方出武盡美矣不得夷齊之臣文哉郁乎自邈夏商之道於是回階秩滿告老歸閑閑郊扉于南野習巖居於東澗詩書琴酒以觀先達之風山水丘園將為遺老之賞天授二年歲在單闕七月二十日攷終厥命卒於陸渾縣明島之山莊時年七十有二嗚呼哀哉君雅尚節義素履元亨懷古人之遠圖慕先賢之遺烈以為桓雅石椁非則於禮經墨翟桐棺寔宜



於聖與道令薄葬務取隨時即以其年十月葬於社印  
山平樂之原禮也嗣子思恭孝思罔極喪制過哀思封  
樹而細懷恐東西而不志白楸為椁奚遵古葬之儀卅  
漆題封即表永年之記銘曰

泱泱大風其太公兮穆穆君子紹厥宗兮忠鯁察廉仕  
漢宮兮高才位卑致終命兮哀哀孤子號蒼穹兮歸葬  
平陵栢松祠兮

唐故袁州叅軍李府君妻清河張氏墓誌銘

夫人清河郡東武人也昔軒轅錫胤孤矢崇威畏其神  
者三百年得其姓者十四族金貂七葉漢天子之忠臣  
鼎足三公晉武皇之名相孤鄉玉帛世有其庸曾祖某

北齊太常卿徐兗二州刺史天人之禮位掌於秩宗侯  
伯之尊寵優於露冕祖某隋汾陰壽春陽城三縣令殷  
公侯之瑞屈銅墨之班士元非百里之才太丘有三台  
之望父唐戶部侍郎復毫建三州刺史尚書北斗始資  
於南稟彙成性蘊粹含章承禮訓於公庭習威儀於壺  
則夫其窈窕之秀婉孌之姿貞節峻於寒松韶儀麗於  
溫玉鉛華不御飾環珮之容浣濯是衣勤黼黻之練自  
作嬪於君子主中饋於家人三千之禮不違九十之儀  
無慮至乃恭於奉上順於接下仁孝以承宗祀慈惠以  
睦閨門則雍雍踴踴必由其道矣嗚呼府君不造遵此  
閔凶中年不圖早世而殞青松摧折哀斷女蘿之心卅



桂孤高終守栢舟之誓而府君食先人之德無後生之財夫人狗黔婁之貞闕丹臺之產孀居永日蓬首終年處貧素而彌堅保幽芳而不昧始府君之逝有四子焉少遭罔極之哀未奉過庭之訓夫人保持名教終始禮經既勗之以義方又申之以遠大皆能率由慈訓克荷嘉聲箕裘之業載隆燕翼之謀不殞非夫淑明賢懿聖善溫良崇婦道之深規弘母儀之至範孰能昭宣令聞若斯之盛哉彼蒼不忱殲我眉壽春秋若干載初元年月日遵疾終于洛州某里之私第嗚呼哀哉夫人令儀有穆惠聞無喧敷雅志於詩書婉媵情於琴瑟若乃姆師酒食之儀女工纂組之繁莫不總制清理弘宣懿則

茂蘋繁之雅訓協洽之芳猷古稱敬姜詩云淑女論容比德殆無以過穠華不居松高永閔嗣子某等悲摧藥棘思結寒泉永惟同穴之儀仰遵歸祔之典以大周天授二年二月日朔遷祔於袁州君之舊塋禮也合葬非古奉周公之儀墓而為墳宗仲尼之訓嗚呼鴛鴦之樹眇泣於松楸鼓吹之列緬然于丘壠原陵何代銘誌無文有哀黃鳥之詩遂勒青鳥之兆銘曰  
詩云淑女君子好求懿哉令德嘉儀聿脩溫容玉映峻節松楸妙心彤史潔志玄猷昭宣壺則惠穆蘋洲共伯早逝貞美獨留莞居蓬首哀深栢舟彼蒼不憇此夜長  
函懷南風之吹棘想北隴以同丘青春芳白日獨昭昭



以悠悠

上塲高氏墓誌銘

維唐垂拱二年太歲景戌七月二十日塲子高氏卒嗚呼哀哉瓊敷而不玉寔者有矣夫吾觀顛元機化出入天壽之數榮落之原皆一受而不易者也悲夫古人之仁懿中庸不幸短命今復見之於高子子渤海脩人也黃州府君之幼孫苑丘府君之叔子生而岐嶷寔覃寔華越在襁褓神明滋茂童蒙淵敏光潤玉顛八歲始教方書受甲子已知孝悌之道詩禮之規苑丘府君鍾愛之他日嘗趨庭與諸兒戲神情涵泳綽然如鴻雛鶴子有青雲之意也府君美之曰能光我家者此見十五通

左氏春秋及尚書涵濤之志日新宏大夫不幸享年七遇疾而夭嗚呼哀哉苑丘府君感慟哀過於禮不恨爾壽之不長惜爾器之不彰夫何苗裔今也則亡嗚呼吾將老矣遠爾何哉某年七月殯於家園日月云祖六載于茲矣天鳳二年龍集辛卯府君方大崇元域以安先地諸子之柩皆附焉其年一月祭卯朔十八日庚申啟殯歸壑之榮禮也銘曰  
來不可過去不可止唯死與生由生以死於戲塲子噫何往矣傷慈父之肝情獨冥冥而長已死而有知可也若其無知悲爾

堂第致墓誌銘并序



君諱攷字無怠其先陳國人也六代祖太樂梁太同中  
為本郡大司馬生五代祖方慶屬梁亂始居新城郡武  
東山高祖湯為郡主簿生曾祖通早卒通生皇祖辯少  
習儒學然以豪英剛烈著聞是以名節為州國所服皇  
祖生攷元爽保植先人茂德降生於君幼孤天資雄植  
英秀獨邁性嚴簡而尚倜儻之奇愛廉貞而不拘分獨  
之操始通詩禮畧觀史傳即懷執物之操希曠代之業  
故言不宿諾行不苟從率身克己服道崇德閨門穆穆  
如也鄉黨恂恂如也至乃雄以濟義勇以存仁貞以立  
事毅以守節獨斷於心每若由己實為時輩所高而莫  
敢與倫也是以鄉里長幼望風而靡邦國賢士家聞名而  
悅服方謂拂羽喬木緬昇其雲而遭火過棟橈而殞嗚  
呼天降吊乎時年三十五是歲龍集癸巳有周天授二  
年七月卜兆不吉權殯於真諦寺之北園始以今甲午  
歲獻春一月己酉朔二十五日己酉定於石溪山之北  
岡陪秀墳也君家世墳壠在武東山昭穆崇封松柏列  
盛至君攷遺令獨愛石溪之岡故君從先志附葬于此  
嗚呼哀哉始君伯父海內之文人也含純剛之德高代  
之行每見君嘆曰吾家世雖儒術傳嗣然豪英雄秀濟  
濟不泯常懼後未光烈不象先風每一見爾慰吾家道  
實謂君有逸羣之骨拔俗之標超山越壑可以駿邁也  
豈其天絕喪茲良圖嗚呼其元命歟遭命歟天不悅歟



道固謬歟大圓蒼蒼大方茫茫賢聖同此爾之何傷  
人有言珠玉而瘞是暴骸於中原况吾家道尚儉名訓  
未墜封樹之禮吾敢過焉是用錫尔尾木之器塗芻之  
靈堯舜之典忠孝之經昭示後代以安尔形銘曰  
我祖之藏穉兮邈於陳緬遙裔兮此江濱五代崇光兮  
至夫君微烈英曜兮始氣氳何意嚴霜兮降青春玉樹  
摧落兮成黃塵南山無隰兮永幽淪悠悠昭代兮卜尔  
辰吾慟感傷兮號蒼旻問之著策兮立茲墳乃言千載  
兮衣冠來臻黃頭兮勿傷神

館陶郭公姬薛氏墓誌銘并序

姬人姓薛氏本東明國王金氏之胤也昔金王有愛子

別食於薛曰姓焉世與金氏為姻其高曾皆金玉貴  
大人也父永冲有唐高宗時與金仁問歸國帝疇庶庸  
拜左武將軍姬人幼有玉色發於穠華若彩雲朝外微  
月清映也故家人美之少號仙子聞羸臺有孔雀鳳凰  
之事瑤情悅之年十五大將軍薨遂剪髮出家學金山  
之道而見寶手菩薩靜心六年清蓮不至乃謠曰  
化雲心兮思淑真洞赤城兮不見人瑤草芳兮思益益  
將奈何兮分青春遂返初服而歸我公郭公豪蕩而好  
奇者也雜珮以迎之寶瑟以友之其相得如青鳥翡翠  
之婉孌矣華繁艷歌樂極悲來以長壽二年太歲癸巳  
二月十七日遇暴疾而卒於通泉縣之官舍嗚呼哀哉



郭公恍然猶若未亡也寶珠以含之錦衾而舉之故國  
途遙言歸未遑留殯於縣之惠普寺之南園不忘真也  
銘曰

高丘之白雲兮願一見之何期哀淑人之永逝感紺園  
之春時願作青鳥長比翼魂魄歸來遊故國

唐陳州宛丘縣令高府君夫人河南宇文氏墓

誌銘

夫人諱某河南郡人也昔吾君夏后氏之子霸有幽都  
皇運北興鼎國南起開寶符而帝天下撫璿璣而王中  
國則後周之受命武帝之雲孫夫人四代祖也曾祖某  
失周之季封亡山陽之國雖存天子之胤已類咸陽布

衣植德早夭祖某隋朝官澧州澧陽令父某龍川司法  
皆承家席寵世有令名夫人賁穠華釅繁祉崇徽惠穆  
秀色苕榮自于幼年有令儀也十四適于高府君夫其  
溫慈惠和信肅脩穆行有法度動有禮經嚴恪以理家  
人嫺慧以和君子則已含乎光大矣若乃宗廟哀敬仁  
孝也婦以祇和謙順也蠲潔酒食婦儀也黼黻玄黃女  
工也弘此四德而務六親擘帨以文之雜佩以發之猗  
可以作範母儀昭宣壺則矣至於訓子以睦教女以順  
愛下以慈與人以讓外以贊府君之德內以光中饋之  
教皆曰聞其進不見其退也嗚呼仁而不壽生也永中  
永淳元年五月遇疾終于宛丘縣之官舍年二十七嗚



呼哀哉高府君尋以事罷職山陰未卜旌旒來歸府君  
思北海之繩留東園而殯日月遂往九歲于茲府君方  
崇樹先塋增封舊域以周天授二年太歲辛卯二月癸  
卯啟殯於東園祔於洛州某原禮也哀哉夫人雅有高  
行終而不忘以為厚葬非禮也是以珠玉不飾塋瓦是  
藏高府君聿遵其志率以薄葬於戲非古之明德泚女  
金玉其光何以躋之吾泰門閭之實其家道矣雍穆  
懿鑠是有清風故叙之而未克德也銘曰

天夭飛李有華兮灼灼淑人宜家兮脩睦婦道不譁兮  
窈窕曠儀孔嘉兮榮采之方茂而云亡兮咨嗟

周故內供奉學士懷州河內縣尉陳君頌人

墓誌銘

君諱該字考表綿山顯武人也其先自潁川遷蜀矣曾  
祖寄祖曾考永貴曾養高不仕君少好學能屬文上元  
元年州貢進士對策高第釋褐授將仕郎其明年制勅  
天下文儒司屬少卿楊守訥薦君應詞彈文律對策高  
第勅授茂州石泉縣主簿開耀元年制舉太子舍人司  
議郎大府少卿元知讓應制薦君於朝堂對策高第勅  
授隆州蒼溪縣主簿垂拱四年又應制舉綜古今對策  
高第勅授懷州河內縣尉凡應所職皆以清廉仁愛著  
聞有周革命天授三年恩勅自河內追入關供奉屬未  
暮不幸遇疾於神都積善坊致終厥命年六十三歸葬



於豆四山之陽原禮也嗚呼哀哉古人有云飾顏頤之  
行不逢青雲之士而聲名磨滅者有之矣嗚呼陳君敦  
懿玄默潔清溫良剛道執志好學博古徇徇焉行高職  
卑不改其操學優祿薄不怨於天四舉有道三應下位  
晏如也非淳人淑士其誰能涅而不渝哉夫知命可謂  
君子矣好學可謂爲文矣丹書不藏於勛府青史不昭  
於方冊於戲一絕故老之口孰知夫子之賢哉某與君  
族人也服美其德尚矣昔子雲稱李元常瓊叙令伯皆  
沒而不朽後代稱之斯非君人之徒歟吾豈默而無述  
其銘曰

閭閻君子好斯文兮縹藻華章潛卿雲兮棲遲下位允  
升聞兮金署玉堂見吾君兮鸞階鴻漸期紫氣兮鍾鳴  
漏盡竟蘭焚兮儒行墨節將何云兮恭承遺言立石文  
兮金刻丹書記歲辰兮青龍甲午銘茲墳兮

燕然軍人畫像銘并序

龍集丙戌有唐制匈奴五十六載蓋署其君長以郡縣  
畜人荒服賴寧古所莫記是歲也金徽州都督僕固始  
祭驚惑亂其人天子命左豹韜衛將軍劉敬同發河西  
騎士自居延海入以討之特勅左補闕喬知之攝侍御  
史護其軍夏五月師舍於同城方絕大漠以臨瀚海君  
子曰兵者凶器仁何至之醜虜猖狂厥自招糾今至尊  
不得已而順伐嘗聞西方之聖有能仁者凶吉之業各



報以直則使元惡授首羣賊不孤立無血刃荒我底定  
豈不在於大雄乎諸將部校僉曰允哉將軍乃飾躬率  
士卒自古祠廟圖畫形容有古之弥勒像也天人恠容  
丹青畢彩蓋以昭乎景福也乃作銘曰  
耀天兵兮征荒服絕雲漢兮出玄極白羽飾兮青雲旗  
蕭鼓鳴兮士馬悲願左右兮浮屠道備丹青兮妙天寶  
功既畢兮業既成神不來兮福冥冥

冥冥實冥君古墳記銘為張昌寧作

神功元年龍集丁酉我有周金草道息寶鼎功成朝廷  
大寧天下無事皇帝受紫陽之道延訪玉京羣臣從白  
雲之遊載馳瑤水笙歌入至玄鶴飛來時余以銀青元

祿大夫忝在中侍擁青旄之節培翠鸞之旗昔奉車子侯  
獨隨武帝昌明為御史每侍軒遊比之今日未足多幸是  
時屢從嚴祀遙謁秘封嘗觀衆靈如雲群仙蔽日乃仰感  
王子晉俯接浮丘公行次洞簫坐弄雲鳳竊欲邀羽袂導  
鸞輿求不死於金庭保長生於玉冊上以尊聖壽下以息  
微躬曰登緱山望少室尋古靈跡擬刻真容得王子晉之  
遺墟在永永之層曲且欲開石室營壽宮庀徒方興畚鍤  
攸作乃得古藏焉其藏上無封境內有甃瓦南北長二丈  
二尺東西濶八尺中有古劍一長尺餘銅腕一并瓦器二  
其器文彩恠異非蟲篆雕斲所能擬也又有古五銖錢朱  
漆片數十枚初開時文彩可見及振撥之應手灰滅既無



年代銘誌不知爵里官族參驗其事已曾為人所開於是撫之永懷念昔增密始知有形必弊涉器則毀鍾鼎玉帛非度世之資名位寵章為累真之府未能獨立物表超世長存與日月齊光天地比壽非夫道乎冥冥旨冥君久幽珎藏迨此昭發豈不欲感示玄爽奇暢靈期昔王喬古墳唯留一劍令威荒冢又歎千年起予道心在乎此仰惟聖主仁慈恩被草木陽和掩骼既昭國典至德埋箭又在周令今此藏野露誠感仁惻謹膺吉日協良辰即以其年十月甲子朔具物恪容還定舊壙豚鷄在奠犧罇若歆哀其銘誌磨滅姓位不顯乃鋤之名曰冥冥君其銘曰

陳伯玉文集卷第六終

陳伯玉文集卷第七

新都楊春重編

射洪楊澄校正

雜著

上大周受命頌表

天授九年

臣子昂言臣聞昔周道昌而頌聲作遂能昭配天地光烈祖宗垂之無窮永為代典伏惟神聖皇帝陛下闡玄極昇紫圖光有唐基以啓周室不改舊物天下惟新皇王已來未嘗覩也臣聞仲尼曰聖人丘不得而見之矣又曰舜禹之有天下丘不預也又曰鳳鳥不至河不出圖丘已矣夫皆傷不得見大道之行而鬱鬱也臣等



愚陋生長休明親逢聖人又覩昌運舜禹之政河洛之  
圖志皆目見幸亦多矣今者鳳鳥來赤雀至慶雲見休  
氣昇大周受命之珎符也不稽元命探祕文採風謠揮  
象物紀天人之會以協頌贊則臣下之遇也有國彛典  
其可關乎臣不揣朴固輒獻神鳳頌四章以言大周受  
命之事誠未足以潤色鴻業揄揚盛美亦小臣區區丹  
慙之至謹輒詣洛城南門奉進塵冒旒冕伏表慚惶

大周授命頌四章并序

臣聞大人外階神物結至必有非人力所能存者上招  
飛鳥下動泉魚古之元皇祇承上帝所以協人社匹天  
休卓哉神明昭格上下莫不以之矣是故物有可則而

道有可宗謂之文獻其原上也緬哉有唐欽崇天命三  
祖繼統品物咸章玄曆改元黃瑞告神皇出地輔一作

涉天階應軒轅登太昊集乎初始之極以授我皇符鳥

之肇開辟元台女希氏姓神功大哉莫不盛於茲日矣

乃察璿璣稽寶命發玄識升紫圖則天粲然皇文炳也

非夫昇光之曜魄寶之精其孰能感神皇赫赫若斯者

哉是時三階底平百揆時序天下昌矣玄功溥矣西土

耆老欣然來稱曰至哉天子恤我元元勤勞下都外聞

上帝臣聞天無二日土無二主皇帝嗣武以主七帝豈

不宜乎神皇宵然迺登崑崙之臺修三統觀五始探命

曆之紀則知元氣之所造也方採鍾龍象鳴鳳協林黃



之律以回生賜姓九月戊申朔六日己卯朔神都耆老  
避荒夷貊縑衣黃冠等萬有二千餘人雲趨詣闕請曰  
臣等聞王者受命必有錫氏軒轅皇帝二十五子班為  
十二姓高陽氏才子二八命為十六族書云祗台德先  
不拒朕行然則聖人起則命曆昌必有錫氏之規臣等  
伏惟陛下受天之符為人聖母皇帝仁孝肅恭神明可  
以慕武承家以克永代陛下崇錫類垂憲章不易日月  
天人交際斯亦萬代之一時臣等固陋不達大道敢昧  
死上聞神皇穆然方御玆圖謙而未許也越翌日庚辰  
文武百寮又與耆老夷貊道俗等五萬餘人守闕固請  
曰蓋臣聞聖人則天以王順人以昌今天命陛下以主  
人以陛下為母天之丕律元命也人之大猷定姓也陛  
下不應天不順人獨高謙讓之道無所憲法臣等何所  
仰則敢冒昧萬死固請是時日躔昆吾有鳳鳥從南方  
來應端門羣鳥數千蔽之又有赤雀數百從東方來羣  
飛映雲迴翔紫闥或止庭樹有黃雀從之者又有慶雲  
休光半天傾都畢見羣臣咸觀於是眾叱雲萃囂聲雷  
動慶天應之如響驚象物其猶神咸曰大哉非至德孰  
能觀此昔唐虞之瑞遯聽矣今則見也天物來聖人草  
時哉况鳳者陽鳥赤雀火精黃雀從之者土也土則火  
之子子隨母所以纂母姓天意如彼人誠如此陛下曷  
可辭之首金琴鳳凰鎬京黃鳥赤氏朱鷹有吳丹鳥皆



紀之金冊藏之瑞府以有事也陛下若遂辭之是推天  
而絕人將何以訓於是皇霈然曰俞哉此亦天授也乃  
命有司正皇典恢帝綱逮大周之統曆革舊唐之遺蹟  
在宥天下咸與惟新賜皇帝姓曰武氏命為嗣皇崇乎  
紹天統物其赫胥大庭之上事已乃獻頌曰  
天命神鳳降祚我周彩容有穆其儀孔休惟我有周實  
保天德上帝臨命纂承唐極人曰天古一作有皇女希  
造天立極緬然猷微共我皇帝乃先厥微匪天之命鳳  
鳥誰歸曰生錫氏羊諱循機豈不順乎天而應乎人帝  
曰俞哉

右神鳳章

翱翔赤鳥朱火之光含神之務祕帝之祥在昔甲子降  
祚于昌今則庚辰翩翩來翔維何作我聖皇堤堤黃鳥  
載飛載揚從火之母應土之王體仁資孝類我嗣皇恭  
膺錫氏稽首龍章天授萬年聖帝煌煌

右赤雀章

崑崙元氣實生慶雲大人作矣五色氤氳昔在帝媯南  
風既薰蕙芳爛漫郁郁紛紛曠矣千祀慶雲來止玉葉  
金柯祚我天子非我天子慶雲誰昌非我聖母慶雲誰  
光慶雲應矣周道昌矣久九八千天授皇年

右慶雲章

周道共兮天寶開八方協公兮萬國來天人應兮雷雨



作聲教殷兮宇宙回瞻圖寶兮稱萬歲神皇穆兮崑崙  
臺

右叱頌章

國殤文一首 并序

丁酉歲三月庚辰前將軍尚書王孝傑敗王師於榆關  
峽口吾哀之故有此作

天未悔禍兮熾此山戎雪老昏幼兮人罹其窮帝用震  
怒兮言剪其凶出金虜兮耀天鋒掃宇宙之甲馳燕薊  
之衝何士馬之沸渭若雲海之洶洶荆吳少年韓魏勁  
卒戈矛如林白羽若月且欲縮烏丸之壘刈赤山之旗  
懸青丘之徽封黃龍之屍凶胡猖厥蕪險是憑蛇伏泥

滓蟻闖丘陵哀我將之怵勇兮無筭畧以是膺陷天井

之死地屬雲騎以相騰短兵既接長戟亦合星流颺馳

樹離離一作山沓智無所施其巧勇不能制其怯頓金鼓

之雄威淪輿尸之敗業夫乎哀哉嗚石既書白日頽主

將已死士卒哀徒手奮呼誰救哉含憤况怒志未迴殺

氣凝兮蒼雲暮虎豹慄兮殤魂懼兮可奈何恨非其死

兮棄山河血流骨積殪荒楚思歸道遠不得語降不戮

兮比不誅歿不賞兮功不圖豈力士之未徇誠師律之

見孤重曰壯士雖死精魂用凶醜爾讎不可縱我聞僵

死能厲灾古有結草抗杜回為前失之未遠儻冥讎之

在哉嗚呼魂兮念歸來



禡牙文

萬歲通天二年三月朔日清邊道大總管建安郡王某  
敢以牲牢告軍牙之神蓋先王作兵以討有罪奸慝竊  
命戎夷不恭則必肆諸市朝大戮原野我皇周子育萬  
國寵綏百蠻青雲干呂環入貢文有年矣契丹凶羯敢  
亂天常乃蜂屯九山豕食瘞野宴安鳩毒作為掠搶天  
敵其凶國用至討皇帝命我肅將王誅今大軍已集吉  
辰協應旌頭首建羽飾前列夷貊咸威將士聽誓方俟  
天休命為人殄灾惟爾有神尚殲乃醜名太一會雷公  
翼白虎乘青龍星流慧掃永清胡裔使兵不血刃戎夏  
來同以昭我天子之德元神之功豈非正直克明哉無

縱世讎以作神羞急急如律令

滎海文

萬歲通天二年月日清邊軍海運度支大使囊部郎中  
王玄珪敢以牲酒馳獻海王之神神之聽之我國家昭  
列象胥惠養戎貊百蠻率職萬方攸同鮮卑猖狂忘道  
悖亂人棄不保王師用征故有渡遼諸軍橫海之將于  
子命我羸糧景從今旌甲雲屯樓舡露集且欲浮碣石  
凌方壺襲翔裔即幽都而漲海無倪雲濤泗滴胡山遠  
島鴻洞天波惟爾有神肅恭令典導鷁首騎鯨魚呵風  
伯遏天吳使蒼兕不驚皇師北濟攘慝勒言安人定灾  
蒼蒼群生非神何賴無昏汨亂流以作神羞急急如律



令

弔塞上翁文

居近海南四百餘里有古城焉土人云是塞上翁城今  
為戍其基局趾趾蓋數千年也丙戌歲予我征匈奴恭  
聞北叟託國此都子尚于叟日月遊邁及今未思寔獲  
心契欣問于叟何德其愚僻居幽漠浩與世殊忘情逸  
馬胡寧而知福謝于隣人何達而不淑丁男既存君子  
知復人以為極也伊懷茲土既板且築局禁天宗墉隍  
雲矗今則荒穢世不歸其故何哉賢叟之德登叟之堂  
天道何遠而茲理茫茫人世自故号丘壠崩荒魂魄何  
獨不歸故鄉叟乎叟乎我心之傷

祭孫府君文

維年月日謹以牲酒之奠致祭故延俊所折衝燕然軍  
孫府君之靈惟君少馳英武早効成功聲雄塞上名重  
關中膽稜威於敵國存大節於家風既揮金而退老方  
餌藥於仙童何昊天之不弔隨大化以長終白馬故人  
青鳥送往素車永訣黃爐誰賞醕酒盈觴魂兮尚饗

為建安王祭苗君文

維某年月日朔方道大總管建安郡王攸宜以酒饌之  
奠祭故壯武將軍左玉鈐衛中候左三軍營主苗君之  
靈君忠勇兼資戎虜夙濟烏丸作逆赤羽從軍方且任  
君先鋒仍馳後勁刈鮮卑之壘摧蹋頌之師執馘獻俘



歸受國賞何圖大勛未立隨命先凋永懷咨嗟情用無  
慟故命酒奠告尔殤魂君其有靈歆茲薄酌嗚呼尚饗

祭黃州府君文

維年月日朔孫女夫某等謹以清酌庶羞之奠敢昭告  
于故黃州高府君之靈惟府君含德元亨保和光大才  
堪濟世而運屬承平器元登台而命鍾留落有瑚璉之  
寶無廊廟之資豈圖大位不濟幽靈永昧尊儀替廢三  
十餘年玄殯既開黃腸已古今青烏改卜丹旌來歸窀  
穸即期幽明永訣某等忝承嘉惠奉事門闈興言追慕  
寔增感咽竊惟精意以享黍稷非馨敢陳薄酌以獻明  
靈嗚呼哀哉伏惟尚饗

祭韋府君文

維年月日左拾遺陳子昂謹以少牢清酌之奠致祭故  
人臨海韋君之靈惟君孝友自天忠義由己有經世之  
畧懷軌物之量甘心苦節風雨不改常欲窮則獨善其  
身達則兼濟天下感激遐詠邈然青雲何期良策未從  
大運奄忽嗚呼哀哉昔君夢奠之時值余冥在叢棘獄  
戶咫尺邈若山河話言空存白馬不吊迨天網既開而  
宿草成列言笑無由夢寐不接永言感動何時可忘今  
穉穉言歸關河方遠興言永訣今古長流鄧攸無子天  
道何知洛陽舊陌拱木猶存京兆新阡孤松已植已矣  
韋生云何及矣大運之往賢聖同塵嗚呼哀哉伏惟尚



饗

祭宇文夫人文

維年月日朔女夫某謹以清酌嘉蔬之奠奉祭于故高  
氏河南宇文夫人之靈恭聞夫人有清穆之德皓潔之  
行淳懿肅恭內外仰則而遺風素範蕙敷蘭滋用能惠  
心光宇氣氤氲沾崇嚴壺訓芬郁母儀中饋柔嘉婦似  
有則豈圖慈顏幽翳於今年毫末已拱尊靈廊然今吉  
辰協應幽殯方開容象如在器質已灰改卜禮典宅兆  
方遷山園既列祖載行焉哀乎號咷女也蟬媛終天永  
訣泣血流漣某謬承嘉惠預叨姻戚生事早睽送終空  
積竊聞精意以享黍稷非馨敢陳薄酌以獻明靈伏惟

夫人明神尚饗

祭率府孫錄事文

維年月日朔某等謹以云云古人歎息者恨有志不遂  
如吾子良圖方興青雲自致何天道之微昧而仁德之  
攸孤忽中年而顛沛從天運而長祖惟君仁孝自天忠  
義由己誠不謝於昔人實有高於烈士然而人知信而  
必果有不識於中庸君不慙於貞純乃洗心於名理元  
常既沒墨妙不傳君之逸翰曠代同侶豈圖此妙未極  
中道而息懷衆寶而未據永幽泉而掩色嗚呼哀哉平  
生知己疇昔周旋我之數子君之百年相親而笑宛然  
昨日交辭而悲今焉已矣人代如此天道罔然所恨君



者枉天當年嗣子孤藐貧屢聯翩無父何恃無母惻焉  
嗚呼孫子山濤尚在嵇紹不孤君其知我無恨泉途嗚  
呼哀哉尚饗

春臺引寒食集畢

感傷春兮生碧草之油油懷宇宙以湯湯遂登高臺  
而寫憂遲羨人兮不見恐青歲之還道從畢公以酣飲  
寄林塘而一畝採芳蓀林北清懷桂樹於南州何雲木  
之英麗而池館之崇幽星臺秀士月旦諸子嘉青鳥之  
辰迎火龍之始挾寶書與瑤瑟芳蕙華而蘭麝乃掩白  
蘋藉綠芷酒既醉樂未已擊青鍾歌綠水怨青春之萎  
絕贈瑤華之綺旒願一見而導意結衆芳之綢繆曷余  
之情蕩漾獨青雲以增愁恨三山之飛鶴憶海上之白  
鷗重曰羣仙去兮青春頽歲華歇兮黃鳥哀富貴榮樂  
幾時兮朱宮翠堂生青苔白雲兮歸來

綵樹歌

嘉錦筵之珍樹兮錯衆綵之氤氳狀瑤臺之微月點巫  
山之朝雲青春兮不可達况蕙色之增芬結芳意而誰  
賞怨絕世之無聞紅紫碧艷坐看歇素華流年不君  
故吾思崑崙之琪樹賦桃李之繽紛

山水粉圖

仙圖之白雲兮若巫山之高丘紛羣翠之鴻溶又似蓬  
瀛海水之周流信夫人之好道愛雲山以幽求



復讎議狀

先王立禮所以進人也明罰所以齊政也夫枕干讎敵  
人子之議誅罪禁亂王政之綱然則無義不可以訓人  
亂綱不可以明法故聖人脩禮理內飭法防外使夫守  
法者不以禮廢刑居禮者不以法傷義然後能暴亂不  
作庶恥以興天下所以直道而行也竊見同州下邳人  
徐元慶先時父為縣吏趙師蘊所殺君鬻身庸保為父  
報讎手刃師蘊束身歸罪雖古烈者亦何以多誠足以  
激清名教旁感忍辱義士之靡者也然按之國章殺人  
者死則國家畫一之法也法之不二元慶宜伏辜又按  
禮經父讎不同天亦國家勸人之教也教之不苛元慶

不宜誅然臣聞昔刑之所生本以遏亂仁之所利益以  
崇德今元慶報父之仇意非亂也行子之道義能仁也  
仁而無利與亂同誅是曰能刑未可以訓元慶之可顯  
宥於此矣然則邪由正生理必亂作昔禮防至密其弊  
不勝先王所以明刑本寔由此今儻義元慶之節廢國  
之刑將為後圖政必多難則元慶之罪不可廢也何者  
人必有子子必有親親親相讎其亂誰救聖人作始必  
圖其終非一朝一夕之故所以全其政也故曰信人之  
義其政不行且夫以私義而害公法仁者不為以公法  
而徇私節王道不設元慶之所以仁高振古義伏當時  
以其能忘生而及於德也今若釋元慶之罪以利其生



是奪其德而虧其義非所謂殺身成仁全死無生之節也如臣等所見謂宜正國之法真之以刑然後旌其閔墓嘉其微烈可使天下直道而行編之於令永為國典謹議

為遠安誓衆詞

夫聖人用兵以討有罪奸慝竊命戎夷不恭則必肆諸市朝大戮原野我皇周子育萬國寵綏百蠻避荒戎狄莫不率職聚非欲勞人蓋逆不可縱亂不可長所以屈已推轂垂涕泣辜誠恐蒼生顛墜塗炭今契丹凶羯敢亂天常為封豕長蛇荐食上國玉帛皮弊奔而不定名器正朔僭而有謀乃將詔神虐人暴殄天物故

皇帝命我肅將王誅今大師已集方將問罪公等諸將及士卒已上瀕各嚴職事肅恭天命契丹凶賊本為中國奴隸昏狂不道勞我師徒今與公等及士卒以勤干戈冒犯霜露夫四郊多壘士大夫之恥最備亮狡一鈕可屠况皇帝義兵剋期誅剪此猶太山墜卵鴻毛在爐今日之伐湏如雷霆之震虎豹之擊塞旗斬馘掃孽除凶上以億至尊之憤下以息邊人之患鼓以作氣旗以應機公等各宜戮力務當其任若能奮不顧命陷堅摧鋒金紫玉帛國有重賞若進退留顧向背失機斧鉞嚴誅軍有大戮各宜勉勵無犯典刑

金門錢東平序



昔者漢朝卿士供帳餞於東都晉國名賢傾城祖於西  
郊雖時稱盛觀而人非帝族東平紫微英胄朱邨天人  
蘊岐嶷之瓌姿得山河之寶氣劉君愛士常致禮於出  
人曹植論文每交歡於數子屬鑿與拜日來朝太室之  
前玉檢停刊言返章華之路羣公以眷深王粲思邀祖  
道之歡下走以遇重荀慈謬奉芳筵之醴于時青陽二  
月黃鳥羣飛殘霞將落日交暉遠樹與孤烟共色江山  
萬里眇然荆楚之塗城邑三春去矣伊瀍之地既而朱  
軒不駐祿蓋行遙琴樽之靖讌已疲珠玉之芳言未贈  
請各陳志以序離襟

梁王池亭宴序

子鄧少游白屋未應朱門聞王孫之游空懷春草見公  
子之興每隔青霄戈陽公座辟青軒飾開朱邸金筵玉  
瑟相邀叱里之歡明月琴樽即對西園之賞鄙人幽介  
酒醴知慚王子愛才文章見許白日已馳歡娛難恃平  
生之樂其在茲乎

薛大夫山亭宴序

夫貧賤之交而不可忘珠玉滿堂而不足貴閑門無事  
對黃卷以終年高論不疲逢故人而永夜薛大夫其人  
也下官昔承顏色早蒙車騎之知晚接恩光不異平津  
之舊蔡邕書史許以相資張載文章見稱於代爾其華  
堂別業秀水清泉去朝廷而不遙與江湖而自遠名流



不雜既入芙蓉之池君子有隘還得芝蘭之室披翠微  
而列坐左對青山俯盪石而開襟右澄流水斟綠酒弄  
清絃索皓月而按歌追涼風而解帶談高致逸體靜心  
閑神眇眇而臨雲思飄飄而遇物林軒寂寞星漢縱橫  
思欲垂汗漫而羣遊與真精而合契歡窮興洽樂往悲  
來悵鸞鷲之不存哀鷓鴣之以沒徘徊永歎慷慨長懷  
東方明而畢昴并北閣曙而天雲靜悲夫向之所得已  
失於無何今之所遊傷羈於有物詩言志也可得聞乎

送中嶽二三真人序

時龍集乙未十月

夫愛名山歌長往世有之矣放身霄嶺宴景雲林卑俗  
不可得而聞時事不可得而見則吾欲高視終古一笑

昔人嵩山有二仙人自浮丘公王子晉上朝王帝遺迹  
金壇鳳簫悠悠千載無響吾每以是臨霞永慨撫膺歎  
息常謂烟駕不逢羽人長往去冀世走青雲登玉女之  
峯窺石人之廟見司馬子微馮大和蜺裳眇然冥壑獨  
立真朋羽會金漿玉液則有揚仙翁玄默洞天賈上士  
幽棲北谷玉笙吟鳳瑤衣駐鶴方且迷軒轅之駕期汗  
滂之遊吾亦何人躬接茲賞寔欲執青節從白蜺陪飲  
崑崙之庭觀化玄元之府宿心遂矣冥骨甘焉豈知瓊  
都命淺金格道微攀倒景而迷途顧中峯而失路塵壘  
俗累復汨吾和仙人真侶永幽靈契際羽青芝而延行遙  
會何期結丹桂而徘徊遠心空絕紫烟去黃庭極仰寥



廓而無光視寰區而寡色悠悠何往白頭名利之交吐  
咄誰嗟玄運或衰之感始知揚朱岐路墨翟素絲尚平  
辭家而不歸鮑焦抱木而枯死可以慟可以悲古人之  
心吾今得之也

送著作佐郎崔融等從梁王東征序

古者涼風至白露下天子命將帥訓申兵將以外威荒  
戎內輯中夏時義遠矣自我大君受命百蠻蟻伏匈奴  
舍蒲桃之宮越裳重翡翠之貢虎符不發象骨攸同寔  
欲高議靈臺偃伯天下而林胡遺孽蓬亂邊毗駭蚊蚋  
之師忽雷震之伐乃竊海裔弄燕陲皇帝哀北鄙之人  
罹其辛螿以東征之義降彼偏裨猶恐威令未孚專

仍稷乃謀元帥命佐軍得朱邸之天人乃黃閣之元老  
廟堂授鉞鑿門申命建梁國之旌旗冷漢庭之蕭鼓東  
向而拜北道長駟蜺旌羽騎之殷戈翻落日突鬣蒙輪  
之勇劍決浮雲方且獵火九都窮踏頌存肅慎吊姑餘  
彷徨赤山巡御日域以昭我王師恭天討也歲七月軍  
出國門天晶無雲朔風清海時北部郎中唐奉一考功  
員外郎李迥季著作佐郎崔融並參帷幕之賓掌書記  
之任燕南張別洛北思懽頓旌節而少留傾朝廷而出  
餞永昌丞房思玄衣冠之秀乃張蕙圃席蘭堂環曲榭  
羅羽觴寫中京之望縱候亭之賞尔乃投壺習射博奕  
觀兵鏗金鏡夏瑤琴歌易水之慷慨奏關山以徘徊顏



陽平林微陰出座思長風以破浪怒白日之蹉跎酒中  
樂酣拔劍起舞則已氣橫遠矚志掃獯戎抗手何言賦  
詩以贈

送吉州杜司戶雷言序

嗟夫德則有隣才不必貴昔有耕于巖石而名動京師  
詞感帝王乃位昇武騎夫豈不遭昌運哉蓋時命不齊  
奇偶有數當用賢之世賈誼竄於長沙居好文之朝崔  
駟放於遼海况大聖提象羣臣守規杜司戶炳靈翰林  
研幾策府有重名於天下而獨秀於朝端徐陳應劉不  
得劇其壘何王沈謝適足靡其旗而載筆下察三十餘  
載秉不羈之操物莫同塵合絕唱之音人皆寡和羣公

愛彌衡之俊留在京師天子以相譚之非謫居外郡蒼  
龍開茂扁舟入吳告別千秋之亭迴棹五湖之曲朝廷  
相送駐旌蓋於城隅之子孤游綠風帆於天際白雲自  
出蒼梧漸遠帝臺半隱空隔丹霄巴山一望魂斷涿水  
於是邀白日藉青蘋追瀟湘之游寄洞庭之樂吳歛楚  
舞右琴左壺將以緩燕客之心慰越人之思杜君乃挾  
琴起舞杭首高歌哀皓首而未遇恐青春之蹉跎且欲  
携幽蘭結芳桂飲石泉以節味詠南山以卒歲返耕餌  
木吾將老焉羣公嘉之賦詩以贈凡四十五人具題爵

里舍絕類選作

冬夜宴臨卽李錄事宅序



下官遊京國久矣接軒裳聚矣池臺鐘鼓雖有會於終  
朝琴酒管絃未窮歡於永夕豈非殊我親愛異我風謠  
而使臨堂有懷聞樂增歎者也何功曹舊州耆老迹尚  
於沉寘李錄事吾土賢豪義多於遊俠高軒置酒甲第  
迎賓絲竹紛於綺窓琅玕盛於雕俎樓臺若盡臨故國  
之城池軒蓋如雲總為都之車馬於是而興自此而遊  
安得不故意留歡遺老忘死金壺漏晚銀燭花微北林  
之烟月無光南浦之星河向曙赤車使者下官雖謝於  
士人錦里名家羣公豈慙於昔考我之懷矣實在於斯  
同賦一言俱為四韻

忠州江亭喜重過吳叅見牛司蒼序

日月部分春秋代謝昔歲居單闕適言別於茲都今龍  
集昭陽復相逢於此地山川未改容貌俱非叙名宦而  
猶嗟問鄉關而不樂雲天遂解琴酒還開新交與舊識  
俱歡祿壑共烟霞對賞江亭迴瞰羅新樹於階基山榭  
遙臨列羣峯於戶牖尔其丹藤綠篠俯映長筵翠渚洪  
瀾交流合座神融興洽望真情高覺清溪之仙洞不遠  
見蒼海之神山乍出既而行舟有限嗟此會之難留別  
日無期歎分歧之易遠徘徊北渚惆悵南津江陵之道  
路方賒巴徼之雲山漸異嗟乎雜言可贈所願保於千  
金別曲何謠各請陳于五字

暉上人房餞齊少府使入京府序



永淳二年四月孟夏東海齊子官于此州雖黃綬位輕  
而青雲器重故能委邦君而坐嘯屈刺史而知名屬手  
鑿駕巡方諸侯納貢將欲對揚天子命我行人執玉帛  
而當朝擁駢駟而戒道指途河渭發引岷嶓粵以丙丁  
之日次于暉公別舍蓋言離也爾其巖泉列坐竹樹交  
筵吐青藹於軒窓極白雲於左右參差池榭亂山水之  
清陰縹緲階庭雜峯崖之異勢入禪林而避暑肅風景  
於中林一作開水殿而追涼徹氛埃於戶外瑤琴合奏  
翠學時行譚窈窕於天人極留連於郡刻既而歡樂極  
良辰征攀白日而不迴唱浮雲而告別山光黯黯凝綠  
樹之將曠嵐氣沉沉結蒼雲而遂晚雖同交未阻風月  
可留岐路方乖關山成恨嗟乎朝廷子入期富貴于崇  
朝林嶺吾棲學神仙而未畢半日青霞路絕朱綵途遙言  
此會之何時願相逢而誰伐永懷千古豈知入者之交  
凡我三人盡崇不朽之迹斯文未喪題之此山同疏六  
韻云爾

春晦餞陶七於江南序

蜀江分袂巴山望別南津坐恨歎仙帆之方遙北渚長  
懷見離亭之欲晚白雲去矣黃鶴何之揚柳青而三春  
暮我之懷矣能無贈乎同賦一言俱題四韻

夏日暉上人房別李參軍序

考察天人旁羅變動東西南北賢聖不能定其居寒暑



晦明陰陽不能革其教莫不雲離而散奔馳於宇宙之  
間空遠燕遙泣別於關山之際自古來矣李叅軍白雲  
英冑紫氣仙人愛江海而高尋頓風塵而未息來從許  
下月旦出於龍泉言入蜀中星文見於牛斗野亭相遇  
逆旅承歡謝鯤之山水暫閑樂廣之雲天自樂思道林  
而不見悵若有亡詣祇樹而從遊衆然舊款高僧展袂  
大士臨筵披路之天書坐琉璃之寶地簾帷後闥拂  
鸚鵡之香林欄檻前開照芙蓉一綠水討論儒墨探覽  
真玄覺周孔之猶述知老莊之未悟遂欲高攀寶坐伏  
奏金仙開不二之法門觀大千之世界觀娛悅晚離別  
行催紅霞生而白日歸青氣凝而碧山暮驪歌斷引抗  
手將辭江漢浩浩而長流天地居然而不動嗟乎色為  
何色悲樂忽而回生誰去誰來離會紛而妄作俗之迷  
也不亦煩乎各述所懷不拘章韻

秋日過荆府崔兵曹使讌序

若夫尊卑位隔榮賤途分使卿士大夫倚軒裳而傲物  
山栖木食負林壑而驕人未有能屈富貴於沉冥離薛  
蘿於簪笏天人坐契相從雲霧之遊風雨不疲高繼琴  
鐻之賞崔兵曹紫庭公曹青雲貴人以鍾鼎不不足以致  
奇才烟霞可以交名士皇華昭國懷鳳綉而高尋白桂  
追遊邀免置而下顧大矣我生年未識一見而交道遂  
存此日披懷千載之風期坐合交道林之雅論妙理沉



微崔子玉之雄才斯文未喪屬乎金龍掌氣石鴈驚秋  
天沈寒而烟日無光野寂寞而山川變色芸其黃矣悲  
白露於蒼葭木葉落兮慘紅霜於綠樹爾其高興洽芳  
酒闌頌義和而不留顧華堂而欲晚長歌何託思傳稽  
古之文爰命小人率記當時之事人採一字六韻成篇  
喜遇翼侍御崔司議二使序

命獨坐一榻孤憤五蠹雖身在江海而心馳魏闕歲時  
仲春幽卧未起忽聞二星入井四牡臨亭邀使者之車  
乃故人之駕隱几一笑把壺入林既聞朝廷之樂復此  
琴樽之事山林幽疾鍾鼎俯遊語默譚詠今復一得况  
北堂夜永西軒月微巴山有望別之嗟洛陽無寄載之  
客江關離會三千餘里名位寵辱一百年中歡娛如何  
日月其邁不為目前之賞以增別後之思蟋蟀笑入夫  
之何歎

別翼侍御崔司議序

朝送歡娛山林幽悔思魏闕魂已九飛飲岷江情復三  
樂進不忘匡紘於國退不慙無悶在林翼侍御崔司議  
至公至平討我以語默于是夫夫違則以公濟天下窮  
則以大道理身嗟乎子昂豈敢負古人栽蜀國酒醪無  
以娛客至於挾清瑟登高山白雲在天清江極目可以  
散孤憤可以遊太清一州之逸人寄千里之道友吾欲  
不謝於崔翼二公矣所恨酒未醉琴方清王事靡盬驛



騎過速不盡平原十日之飲又謝叔度累日之歡雲山  
悠悠歎不及也載想房陸畢子為軒冕之人不知蜀山  
有雲巴水可與睽關良會我心惘然請以此酣寄謝諸  
子為巴山別引也陳子昂聯詞曰有道君臣國無悶余  
在林白雲飛嶽上歲晚來相尋

洪崖子鸞鳥詩序

鸞鳥篇者晉人洪崖子之所作也洪崖子道我玄野貴  
其默行矯迹汾水習志洛陽乘白驢衣羽褐遊朝市之  
際雜縉紳之間時人或將龍青牛師荊子訓之陳迹也  
嘗以翠鸞為時樓明主之瑞君子獨立矯世之方於是和  
墨澹情洒翰縹意寄孤興於露月沉浮標於山海乃集

瑤圃汎玉池翩翩然又以自得也時尚輦奉御梁  
侶聞其風而悅之乃列羽翦商飛毫揆牘扣歸昌之  
恂朝陽之音率諸君子屬而和之者十有五余始末  
夫洪崖也喬子暴美命余叙之凡若干首

登薊城西北樓送崔著作入都序

僕嘗倦逝傷別久矣况登樓遠國銜酒故人情憤胡孽之  
侵邊從王師之出塞元戎按甲方刈鮮卑之壘天子賜  
書且有相君之召而崔侯佩劍即謁冰明羣公負戎方  
絕大漠燕山北望遼海東浮雲臺與碣館天殊亭墮共  
衣冠地隔撫劍何道長謠增歎以身許國我則當仁論  
道匡君子思報主國一作仲冬寒苦幽朔初平蒼茫天兵



之氣冥滅戎雲之色白朔一指可掃九都赤輝九重行  
觀霽凱  
遂君之思共有策勛飲至方同  
廊廟之歡偃武橐弓借爾文儒之首薊丘故事可以贈  
言同賦登薊樓送崔子云爾

送翹郎將使默啜序

蓋北夷不羈之日久矣天子垂玄默穆皇風而狼居草  
心繫伏請職歲一月上將恤戎乃以金童假翹公為司  
賓卿載馳錦車諭意雲幕且欲頓單于之膝受呼韓之  
朝不踰青春復命紫關而其忠臣烈夫之節感激壯士矣  
朝廷以赴此絕國追送近郊登熊山望燕塞黃雲千里  
亭臯悠然僉曰賦詩絕句以贈

嘉<sub>一作嘉</sub>馬參軍相遇醉歌序

吾無用以笑進不能以義補國退不能以道隱身天子  
哀矜居於侍省且欲以芝桂為伍麋鹿同曹軒裳鍾鼎  
如夢中也南榮暴背北林設置有客扣門云吾道存孺  
子孺子黃中通理時玄冬遇夜微月在天白雲半山志  
逸海<sub>二</sub>酒既醉琴方清陶然玄暢浩爾大素則欲狎青  
鳥寄舟仙矣日月云邁蟋蟀謂何夫詩可以比興也不  
言曷著時醉書散灑乃昏見清廟臺令知此有蜀雲氣  
也畢大拾遺陸六侍御崔議司崔兵曹鮮于晉崔涵子  
懷一道人當知吾此評是寔錄也若東萊王仲烈見之  
必以為真醉歌曰獨幽默以三月子深林潛居時歲忽



考孤憤遐吟誰知我心孺子孺子其可與理分

偶遇巴西姜主簿序

予疲爾永久未嘗解顏正欲登高山望遠壑揮斥幽痲  
以劇太清姜主簿倏自綿中至于林下乃飾琴酒之事  
雜文章之娛將蠲我憂頽靡取樂夫浩浩之白不可獨  
也責公之詩又誰咎也逢太平之化寄當年之歡同人  
在焉而我何歎南園橘柚陽月初榮北梁山水良辰復  
別揮手何贈詩以永言云爾

陳伯玉文集卷第七終



